
ЯПОНИЯ КОМПАНИЯСИ ВИЛОЯТИМИЗДА БАЛИҚЧИЛИК СОҲАСИГА ИНВЕСТИЦИЯ КИРИТИШНИ РЕЖАЛАШТИРМОҚДА

Бугун вилоят ҳокимлигида вилоят ҳокимининг ўринбосари – вилоят Инвестициялар ва ташқи савдо бошқармаси бошлиғи Иқболжон Эргашев ва Япониянинг "MEGLIY Co., Ltd." қишлоқ хўжалиги корпорацияси раҳбари Томоҳико Набешима ўртасида учрашув ўтказилди.

Мулоқотда келгусида Япония ва Фарғона вилояти ўртасида қишлоқ хўжалиги, балиқчилик, ипакчилик тармоқларида ҳамкорликни йўлга қўйиш ва кенгайтириш масалалари муҳокама қилинди.

Томоҳико Набешима асосий эътиборни балиқчиликка қаратиб, Фарғонада ҳам дастлаб ушбу йўналишга инвестиция киритиш ниятида эканлигини маълум қилди. Япониялик тадбиркор юртимизда инвесторлар учун берилган имтиёзлар, ер майдони ажратилишининг ҳамда сув тежовчи ва қайта ишловчи технологияларни олиб киришни давлат томонидан қўллаб-қувватлашнинг тартиби доирасида ўзида мавжуд маълумотларга аниқлик киритди.

Иқболжон Эргашев вилоятда аҳоли сони ўсаётганлиги, натижада озиқ-овқат, хусусан гўштга бўлган талаб ортиб бораётганлиги, шу боис балиқчилик, паррандачиликни ривожлантириш устуворлик касб этаётганини қайд этди. Ўтган йил вилоятда 35 минг тонна балиқ етиштирилганлиги, эндиликда денгизга яқин давлатлар тажрибаларини ўрганган ҳолда интенсив усулда балиқ етиштиришни кўпайтириш режалаштирилганини айтиб ўтди. Вилоят ҳокими ўринбосари, инвесторлар учун яратилаётган шароитлар, қонунчиликда белгиланган солиқ ва божхона имтиёзлари ҳақида батафсил тушунтиришлар берди.

Япония компанияси қисқа муддатда Фарғона вилоятида инвестицион лойиҳаларни амалга оширишга киришиши борасида келишиб олинди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-03-28 22:12:01